

佛說濡首菩薩無上清淨分衛經卷上

宋沙門知公於南海郡譯

一名決了諸法如幻化三昧經

聞如是一時世尊遊舍衛祇樹給孤獨園與大比丘五百人俱舍利弗摩訶目犍連摩訶迦葉須菩提阿難提等事自昔年素行修行皆素瑕疵垢除清淨宿樹衆德所作已辦了歇身弊解識因緣觀彼五道受有苦器漏胎諸患種種之微無樂三界常欲捨離見諸流轉縮心畏惡斷滅求空志畢泥沮處往元還永彼靜安悉斷生死結網索盡都無諸漏已離重擔獲四神足致六通行能住身命存亡從志度於彼岸坦然為樂

又與菩薩千人俱悉尊菩薩摩訶薩皆一生補處被大德鎰顯有佛稱降現菩薩現宣道化布諸佛藏神智具遠已通聖慧等住大乘志如虛空以立廣法過度無極具足普智明曉權要持持所覽統攝無限積衆辨才不可測量隨俗順導為大橋梁無上道

○佛說濡首菩薩無上清淨分衛經

德而無罣碍散演深遠无極微妙悉降魔怨都伏外道獨步十方周流往還遊於五道而無去來如日月殿若夢幻化影響野馬等无進止感動一切濟度生死三寶之化使永不斷道普興顯德皆具足

其諸菩薩悉皆各有名曰濡首童真菩薩龍首菩薩妙首菩薩大首菩薩普首菩薩慧首菩薩明首菩薩甘首菩薩英首菩薩寶首菩薩是等菩薩千人俱也

是時坐中英首菩薩承佛神旨而從坐起嚴齊法服肅恭已礼偏袒其有右膝著地而跪白佛唯然世尊濡首童真者古今諸佛無數如來及衆仙聖有通神通所共稱讚去來現在諸成大業菩薩之等導進元由為一切師了深觀遠度淵懿明踰日月智過江海遠越虛空慧辯無極德顯无上四等普育慈悲利安仁泰寬濟弘雅汪洋德無崖邊如无底泓憺怕曠定如無像體居于靜寂儀容无量於十方土現佛廣化為諸菩薩所見哉

奉一切釋梵及四天王咸率礼敬委仰尊重諸天龍神阿須倫衆迦留羅輩真陀羅摩耶勒等莫不供事觀世帝王所共奉遵聖相滿具光好湛然吾瞻濡首衆德具脩諸善若斯為難思議願常歌詠顯讚無極諸嘆歎美流著十方於百千劫永无懈也

其時濡首謂英首曰云何族姓子法身有煩乎曰其法身无處無像又法身者都无煩勞曰云何英首仁了法身乎曰法身者豈有處所言聲迹耶又法身者無了不了若響如影寧所了乎曰知法身如幻化影无了不了亦無言說而仁云何舉聲說耶曰向所言如響之聲為諸文說著行者耳曰如仁言則其法身為有内外有其彼此處于中間為有數觀已在二數則有處所又曰英首於法身者都无響應亦無影像无心無意无念無識无言無說元无無同无二之趣亦无一歸於一无一亦无所處是者英首本無法身微妙印說極世所歸无上无比道要之藏於時佛歎濡首曰善

法華經疏卷上 法華經疏 卷上

哉善哉如濡首所言乃應清淨法身說也時座中五百比丘五百比丘尼聞濡首所說皆遠無所從生法樂忍又舍衛國清信士女二十人本不發心於大乘行聞此要說即自堅固於無上正真道意萬二千天子意旨踊躍發善善心各在虛空而歌濡首積德過劫功成無量

是時濡首童真菩薩以其平旦欲入城分衛整聖无上清淨道服執御應器持法錫杖粗順如佛機檢典制度量儼然序行安步進止端嚴迴旋顧盼光色無量諸根靜寂常應道定威儀迷叙禮法肅齊衆德悉俗靡不雅然如狂師子如大龍王景福之祚燿出樹圍威相无量德好卓異暉顏燦燦光曜炳然濡首童真方出祇門即自念言今入舍衛必有十方諸土菩薩普來之衆應承聖言所感動者便當如佛尋以其像不移所住已身一毛孔之相出化菩薩其諸化者觀於十方悉現其化一一國土化所化者各稱言曰濡首菩薩稽首世尊恭

法華經疏卷上 法華經疏 卷上

問遊居佛祇康疆景福無量乎又諸如來所侍弟子悅目追惠各問其佛斯從何方乃來現此諸土世尊各告侍曰有土名忍佛号能仁如來至真等正覺彼有菩薩名曰濡首道慧難測權辯無量悉於諸國博現佛事今於彼土興顯大道故身毛相而現其化唱此感動進諸疑惑普土菩薩及諸衆生見所變化各聞佛語億億菩薩悉得無所從生法樂忍万億之衆在生死流聞濡首名又觀化應皆發无上正真道意十方菩薩莫不樂喜願見濡首聽秉清无上聞之說微妙法像得觀其佛及彼菩薩諸土尋隨无歎菩薩各各欲之忍界觀能仁佛礼事供養又見濡首觀聽慶說諸佛默然即應受教各承聖力還飛彼土忽外忍界到濡首所諸來菩薩咸懷敬仰或持天華或擎明寶或執垂珠或直叉手或作天樂或列虛空散華末香吹歌鳴珂或復歌頌濡首童真道顯普祐无上之德或欲宣導侍衛濡首肅恭而行略說无歎

法華經疏卷上 法華經疏 卷上

是時釋梵及四鎮王日月天子諸龍鬼神各與所輔亦尋忽至釋與四王俱同有念今濡首童真與無數菩薩諸尊天人當入舍衛顯大感動宜應盡化向舍衛城道令其坦平而无高下伏道兩邊列七寶樹一樹之間有七玉女各現半身而作倡伎女容姿靡姿媚面照華色目若明珠端正妙異清聲美辭以歌濡首大吉祥瑞清純道品菩薩衆德步置熏爐燒天香香處有雜華以為供養登于介時道之左側舍毒蠱至蟻蟻蛇虺蜂蝎衆類應時咸然消縮毒氣告獸瑞鳥追集鳩翔彼時濡首為无數百菩薩衆及諸天人而所圍衛特獨堂堂光色无量譬日始出高山之嶽若月盛滿在衆星中又若須弥異於眾山如猛師子出于深林暉顏灼然遂而追焉迤邐城門尋足躡閭盡境震動登介之時莫不驚愕所在伎器率自鼓鳴咸曰此何吉祥大變瑞應之具乃未曾有將佛入城所感然乎舉國大小靡不驚喜心豫忻忻肅恭无量或上

樓閣或攀垣牆或窺窓牖或出門戶
竟有悅懌向佛其親神異時王波斯
匿與宮正后美妃姝女八千人俱諸
子羣臣眷屬萬人圓衛從行各懷忻
悅惟患出迎斯須之頃漏首忽至為
諸菩薩及草衆天而所衛從大人相
具衆好普倍金顏聖容見皆喜悅莫
不前礼諸衆之衆中有散華或燒妙
香或散衣寶檢心恭向瞻觀无量於
是漏首遂前入城諸尊菩薩有勢天
神僉然恭肅追隨所旋觀見神變又
欲果受遺誨故也

今時於是龍首菩薩見其漏首童真
菩薩為無數衆而所圍繞堂堂祥儀
並共入城曰族姓子為所之耶漏首
菩薩答龍首曰吾適此城欲行分衛
多所惡念廣其惠利為拯世衆一切
天人度義故現行分衛耳普為諸衆
成大導故龍首問曰云何漏首七尊
于今分衛想未斷耶曰族姓子吾斷
矣於有見分衛想行者至於無見无
斷不斷斯謂菩薩清淨分衛所以者
何若此龍首一切諸法無斷不斷辟

如虛空無斷不斷以是言之為不可
斷普悉是世盡魔界一切衆寂及
諸梵志王與庶民亦无能斷也何則
龍首以其諸法若如虛空本無所
有無起无動無持无獲空本無獲亦
无所持亦不可得得要言之一切衆
類及世餘法外邪雜術悉無所有无
持無得亦无能獲諸法如此皆不可
得亦不可持以本空故故不可斷云
何漏首菩薩摩訶薩當與諸魔為敵
耶答曰龍首法本無諍不見菩薩當
與諸魔而有戰者若其菩薩與魔為
敵起見法想而有所諍是菩薩便為
恐怯何則然者以彼菩薩自興恐弱
也譬如龍首幻師現化而幻所化了
無恐怯如是龍首此菩薩解本空法
无著之行則無恐怖若有菩薩有恐
怖者是菩薩便不為極世福田也是
菩薩不了空法故自起恐怯之心耳
于時龍首問漏首曰菩薩為可得道
乎答曰菩薩可得道也龍首又問云
何漏首其誰可得至于道耶曰其無
名无性亦無號字亦无處所永無所

為亦無得者斯可至道曰云何菩薩
當得道乎答曰龍首若有菩薩欲得
道者當以無發心亦无念道不想道
場不念人界心亦無處无念無得亦
无識著以無見心是行菩薩可得至
道曰仁以何心而發道意答曰龍首
吾無數心亦无當發又無兩發无發
不發又吾亦復不至道矣不念道場
不坐佛樹亦不得道不轉法輪亦不
化過生死之類所以者何若此龍首
以諸法無所有故无動無搖无出無
入亦无所持以本空故吾以斯法可
得至道曰漏首是為正要無上无以
之至說也其諸於斯解如是法彼則
長脫一切塵勞其已脫于塵勞數者
乃至應永脫於魔波旬曰非可脫於
魔波旬也何則然者以其諸魔亦道
之數所以者何魔及魔天皆悉本无
無取无得無想无念以故言之魔亦
道也曰何謂為道漏首答曰道乎龍
首在乎一切一切亦道道像虛空道
體廣蕩然恢廓普大含容靡不
周至亦無限導如是龍首道至一切

源首菩薩經上卷

第十卷

明

一切亦道斯謂無上真本无道也曰
仁龍首欲得道乎曰吾欲得不可獲
道曰欲得道寧非戲行耶所以者何
如龍首言欲得不可獲道道何可得
乎若道可得道為有慶譬如有人興
念此言吾使幻化坐於道樹然致正
覺如是言者豈非響聲耶其幻化人
亦不可得亦不與諸法有合有離亦
無所著以本空故若龍首一切諸法
如幻如化而起有想念欲得道耶又
如來說諸法本無无念無想无所著
其解是者斯乃得道諸法無所入亦
无能毀法不與法有合有離况法與
法當有毀乎法無附合亦不離散所
以者何若此龍首諸法无合以其本
無都亦无我及若虚空亦無所有无
像無念无動無搖亦无戲行諸法本
無寂寞如空如幻如夢无喻無比諸
法若此都无等倫亦無像也諸來之
眾聽濡首所說微妙踊躍欣喜各懷
无倦渴仰悚恭專心思受說是如化
深妙法時八万菩薩逮得無退轉无
量天人發無上意

源首菩薩經上卷 第十一卷

明

是時龍首答濡首曰善哉善哉童真
菩薩快說是像深遠妙法為未曾有
如吾從仁逮聞此要始今日明為已
得道曰族姓子法無言說亦无見聞
吾不說深又無淺說仁亦不得道无
得不得何則然者如卿龍首念欲得
道為想戲行處乎受者墮有見見使
其亦有深淺法耳吾無所說法元言
說亦無宣暢亦无所行亦無能說諸
法本者又龍首譬如有人而言曰吾
為幻化廣說識法其化無識言當說
識耶彼則緣此起勞諍想何則然者
以化無識不可為所說如是龍首諸
法本无無所有亦无處所是族姓子
當了如此解謂具足法行者也
余時於是妙心菩薩神徹視聽觀聞
濡首在異別處講上要菩薩之談忽
到其所見大會場喜而歎曰善哉善
哉諸上正士大士之等普眾會此為
何談講乎濡首答曰族姓子於諸如
來深要法中獲無正士大士之名又
菩薩者不自名言我是菩薩正士大
士其有想着住戲行眾自稱菩薩復

源首菩薩經上卷 第十二卷

明

言大士又云吾為法之大講又復妙
心其響者寧有言聲出不響復有耳
識所著不於響法為有所受持不乎
龍首答曰都無也如是龍首諸法若
響無名无像其取著者則有戲行緣
戲行故便有流轉長不解諸法如本
无響也則於生死而行諍想已起諍
行便墮躁動已在躁動即無生死流
於五道便由不解其無故也
於是濡首謂龍首曰又族姓子如世
尊告諸比丘曰是比丘汝等无著戲
樂想行為汝輩說寂寞之行念釋師
子說法如是專心一意聽受隨法入
要行忍當無所著若此族姓子其菩
薩解順是說曉本空淨於本寂寞明
了如是此乃長脫五道之趣時龍首
曰誰於生死而有脫者濡首答曰族
姓子何謂如來所化生死為脫者乎
寧復有去來今耶若是龍首聖師十
力以此要言化度生死曰如世尊常
所說教諸法如化又仁亦說諸法無
所有以是言之一切眾生為當皆成
无上覺道耶答曰龍首若一切解如

是者此乃至道要行之言故吾不說法無說念无受無持无得無失无言无語何則然者以諸法為無所持亦無所有无念無識以无處所故又若一切解諸法如幻如化無所有者則衆生類皆至覺道譬如龍首幻師所化然幻者自了化之本末為化化耳於諸法亦無所化亦无住置普悉是世天龍鬼神魔及梵天沙門梵志至於極世無能令幻者於其所化有堅固想何則然者以彼幻士自達所化化本自耳無幻无化都無所有而幻者明知一切為化所惑於无所有而起有想無常想常无我想我著有想念求無想法望念无色住無所有由不解本不了無故續流生死若有明曉諸法本者彼衆一切則於佛法即無還轉而成正覺所以者何若此龍首以彼衆生皆在覺道法之數故故諸一切於佛法而無罣碍是故衆生悉住佛法也然衆生等心亦不寤本空清法无名無識亦无所住無戲行无倚無著寂如虚空亦不巢窟无上

叙定亦無所生又无身法其有忍於深空法者此則不離於佛法矣所以者何若此龍首諸佛之法終不可以想行而至其有想著有言有說有宣有廣殊不可以得佛道法也於是龍首謂濡首曰善哉善哉仁乃快說無思議法誰當信此一切衆生不離佛法濡首答曰族姓子其世尊子堅住信法八等之地及須陀洹斯陀含阿那含阿羅漢辟支佛菩薩阿惟越致無動轉者斯諸菩薩已住清淨行空法者是等當信耳所以者何此龍首其諸菩薩行如是者便自誓願必結大業吾外佛樹結趺定坐終不動轉至于得成無上平等覺必將來一切諸天龍鬼神極世之前成其大導當師子吼所以者何若是龍首菩薩了空无想行法住如門閭堅密須弥無能動者如是龍首其菩薩住空无想願法一切衆生無能動者又是菩薩處于佛樹乃至道場无能動搖問曰濡首何謂佛樹道場之處濡首答曰何謂龍首如來化處化所依

坐何謂如來化之覺法及現神變化度說法誰為如來其誰化者龍首答曰吾尚不見如來之化及法身像處何况所化復現威神又所說法及所變化乎一切如化本无亦化其化亦化亦如化耳濡首曰善哉善哉龍首菩薩為吾發遣應慎之法為如彼諸深妙無著法忍說者是為无上無比之說也彼時龍首謂濡首曰於斯妙像要法之說亦無起行又无入忍者所以者何若此濡首以諸法本淨其相本空亦无處所亦無巢窟无色無像諸法悉等如虚空若此濡首其有法當起法忍若則如來化亦速法忍影響夢幻野馬泡沫芭蕉之屬亦悉當復成其法忍所以者何以其忍處悉空如空都無起法忍之者又忍若亦无其起亦不已起又無當起亦无甫起又其忍若亦无是處亦非彼處亦無中處此乃無上无比要忍若此菩薩於是慧心不恐不怖亦無畏懼是則菩薩摩訶薩便應无上法忍之行十

方諸來神通菩薩其間濡首所說深

濡首菩薩經卷 第十六

妙咸悉踊躍皆達此定

是時濡首謂龍首曰云何族姓子其

菩薩者以無著行得入法忍乎答曰

濡首若有菩薩想念所向則為著行

言吾解深玄我深忍明達曉了吾已

至道其語此言皆亦著行濡首又問

菩薩何行修應得道答曰於諸法都

無所入不念諸法了諸法无其諸法

者依著因緣此不空獲無所有是

行菩薩便應道忍設如此行為无所

行僻人寢寐於夢所行龍首又曰然

其夢者不行方隅亦无所行亦無去

來無住无坐其寐寤已則達而信所

夢空身無持无捨都無執持无像無

相亦无處所亦無所有其若虚空如

是濡首菩薩之行當无所著亦无所

入如空本无亦無戲行此則極世无

上福田斯乃應受一切供養為無量

尊是軍福地為應最上法忍之行普

來眾會率懷恭敬各所賣華寶以散

濡首瞻觀欣踊悅豫无量

於是龍首謂濡首曰且可得進入城

分衛曰仁去矣行分衛時无念舉足

濡首菩薩經卷 第十七

下足踏步無念動搖亦當无處無住无

遊無屈无伸無心无念無所發行行

无所想亦無城想遊无路想又無城

郭縣邑丘聚想亦无里巷無家居想

无門户念無想男女无想幼弱都無

心想行當无念所以者何以其法行

當如是故亦無所著无色無像无起

无滅都無諸想如此行者乃應菩薩

無上分衛清淨寂冥要道行也

尔時龍首菩薩摩訶薩忽然於處以

如海定三昧正受其定之德譬如大

海湛然無移憺怕清澄更无異味其底

深邃不可測度琦瑋英寶普無不有

而海汪洋包羅弘廣含受万物洲嶼

博泰無邊无崖大水滂滿諸德神龍

而皆居之眾生巨鱉所依長育若此

龍首其諸菩薩以如海定正受之處

所住要旨無能動搖者如是龍首其

斯菩薩以法身海含容一切道寶智

慧三十七品十方依之莫不長育應

無上微妙之法為无動搖無言說要

行當知是應如是者得无退轉定行

之地也

濡首菩薩經卷 第十八

尔時於是妙心菩薩欲動龍首大士

所坐如海慧定正受之處盡其神力

永不能動時此三千大千世界普悉

六反乃大震動而龍首身及所坐處

都不動搖何則然者以其龍首住无

動搖住無處所住无所有住無想念

住無戲行住无勞靜住無言辭住无

所住斯謂道住時龍首菩薩摩訶薩

尋從定寤敬向如來無所著平等正

覺雨拘文華趣散世尊而歎讚曰自

歸於佛天中之天乃使一切諸會菩

薩十方來眾諸大士等眾尊大天及

龍鬼神咸悉逮聞如是之法無上要

旨深妙慧說為無倚著无巢窟說為

應本空寂冥故也是時妙心謂龍首

曰仁為覺地六反震動乎曰族姓子

其有動者當覺地動地復為之上下

四震唯由其覺動不動故耳又如十

方諸佛世尊普大菩薩不退轉等極

世都動豈能動搖此上尊處觀諸聲

聞緣覺之眾彼雖離動未曉本空在

動之地自謂無動了本无著於此諸

法永無動搖元念無著如是妙心其
 菩薩以空無想不願之行清淨法要
 遠無動搖彼乃永靜安元動搖又曰
 龍首可行分衛答曰濡首吾今已解
 无上軍要分衛之慧何則然者緣其
 逮致如海大定正受之慶始乃自明
 為以得無上平等正真覺道以於生
 死興顯佛事為轉法輪以度眾生為
 滑因緣離垢根本唯然濡首如吾遇
 仁乃為逮值无上善友遭蒙矜念心
 懷悅豫成立大德喜自光慰濡首於
 吾為覆載首大無量過度之首元垢
 廣普微妙吉首亦應軍上不可議首
 願布五體稽首恭礼无上仙聖甘露
 之首濡首答曰善哉善哉如仁龍首
 已為果達野馬夢幻影響之行無名
 元像無所有法仁今乃應元上大道
 不可思議來法之祠以得如海定正
 受行共應如此當知是輩在一生補
 處斯者乃為菩薩辯慧其致是像深
 妙定法如海定等則離諸想也曰仁
 可行從分衛龍首答曰思齊其德當
 與仁行二聖龍遊不亦宜乎濡首曰

吾無所行亦元去未又無進止亦元
 侶並不伴不坐亦復不行行無所至
 來无所由住無所處坐无所據行無
 所趣辟若龍首如來現化寧有去來
 坐起行遊卧寢寐寤不耶曰化者都
 無去來坐寢之慶矣吾於諸法亦復
 如是無住不住无起不起亦無已起
 又無中起亦无當起亦無甫起龍首
 答曰如仁所言此為極世難信之說
 誰當信仁此盡要慧耶答曰龍首
 仁者且聽豈為無目設舉錠燭乎夫
 然炬燎唯為明目耳如此是像深妙
 之法正為向遠徹達菩薩摩訶薩乃
 能信受是道要耳其了如此至要之
 慧斯則曉解本無行者此等菩薩為
 應清淨元上久修梵行之徒是曹正
 士深住於法信法受法持法說法之
 輩也為在鹿聚已轉法輪為應賢聖
 亦大導師施惠明眼為應無量雄猛
 之者此則無上軍妙法者濡首童真
 發說是時普大衆中八万菩薩悉得
 無所從生法樂忍也
 於是正士妙心菩薩居大衆前廣然

踊躍拘滿手實以恭肅心向散世尊
 又散濡首童真菩薩散訖忻喜重歡
 詠曰自歸諸佛為慧聖達極露寤寐
 碎散凝本解衆顛倒釋疑除網順入
 道明致無上覺者自歸於法法之軍法
 法治多清療撈霧龍援雪生死將勤
 衆穢邊除心垢通導迷惑法為无上
 修蒙永度其諸菩薩久履梵行無上
 清淨仙聖明類大神通等弘顯德者
 無上之徒於此乃逮信向是像深妙
 法衆今普自歸之濡首答曰若此妙
 心其元脫者斯當果致無上等覺曰
 云何濡首其誰元脫耶曰其有執持
 斯當求脫如是妙心法無執持亦无
 繫著又族姓子法都元脫亦無執持
 當誰有脫元縛無脫諸法无持無取
 無捨譬如人語幻者言善男子為深
 入人解之脫之所可執持幻答人曰
 吾亦非男亦非凡人吾無所持當何
 所脫是者妙心道元執脫當觀其無
 元本空淨矣
 佛說濡首菩薩無上清淨分衛經上

已亥歲高麗國大藏都監奉
 勅彫造

佛說湯首菩薩無上清淨分衛經卷下

宋沙門翔公於南海郡譯

時龍首菩薩謂濡首曰去矣族姓子東行分衛答曰龍首其幻化野馬寧有東西南北方乎曰吾於仁前尚不能言况敢所說何則然者以其諸辨從尊所問仁即應順如法發遣一一解散而無罣尋故吾元辭莫知所對曰夫達者都無言取况共乃復有所說乎是者諸法之无由矣曰何謂為諸法之無答曰龍首无所無者斯諸法无是諸法要以此之慧乃能通彼衆音聲耳無所宣布乃為要義是豈非至要義說哉曰此續在想行者也曰何所行應離諸想答曰龍首菩薩不於色痛想行識界有想又於法本亦無所行其本无者亦無所行以是之行得離諸想說是深逐微妙法時五千菩薩達致此慧二千天人發菩薩心

時龍首曰吾將退矣以童真非我侶故濡首報曰吾無去來亦非有侶亦

大

无所俱何則然者以道無侶故亦不想念與諸法侶又亦不與欲行為侶

於本無法亦不見而有其侶復與所俱又本无者都不言有吾我性有人壽命及身養育法人物言說識覺所倚著及其所作行趣之事諸法之本本無如此當與其誰而為侶俱耶其有侶者是欲侶俱也譬如龍首有明達人而念言曰如來所化幻士所化如是此化等一無異化而斯人化各各言曰吾與汝侶汝與我俱於仁龍首意云何其此人化為有侶無答濡首曰化无侶也所以者何用化本无無所有無形像不可得故曰如是龍首於其生死都亦无侶亦無所俱其有侶俱斯則有別若起侶想是便與欲俱明達菩薩當解侶想何則然者以其諸法如幻如化無侶不侶欺哉諸法恍惚無信若夢影響所有如空想識無安无慮無持无意無念无所有已離諸念於念无念應本無念曰濡首仁為曾與幻士化人對共語言行來坐起又共談會有所思惟不濡首

答曰不見也龍首曰幻士何像貌曰其幻者似人像類幻之化像亦復若此合同像耳所以者何如其幻化亦不被脫亦不此脫幻化亦不與人而異人亦不與幻化有異人便幻化如幻化者以幻化法而問幻事諸法亦余又問濡首仁為自曾與幻化復共坐起有所言談交遊議會相對住不

曰云何龍首幻士及化與欲有異耶至於吾我及人壽命養育之法有異乎吾以此幻化之說欲試問仁知大士於斯有異辯才當敷何法也曰仁如所試為欲試虛空之幻化法耳仁便念幻化為有想也幻者本无无想無念亦无形像亦無所有已離衆念濡首曰若此龍首法亦如幻幻化本空其空無像亦不可見曰濡首諸法無像不可見乎如仁所言一切菩薩摩訶薩等當云何受其封拜得成無上正真道意為誰知度受封拜者濡首答曰云何龍首曾行山中為聞響聲於山中為有響聲出不乎其聲為有所住處不以何耳識聞其聲耶彼

聲為有所說不寧有受持響聲者耶
又復誰共誰聞響聲者龍首菩薩答
曰無也濡首曰如此若菩薩解諸法
若如響空者則一切諸音聲如響離
彼眾聲其諸菩薩以此封拜於無上正
真之道於斯亦無受封拜者十方諸
來大菩薩眾咸聞濡首童真所說莫
不喜踊歎歌无量

介時龍首謂濡首曰宜時偕行入城
分衛念其日時得無過耶答曰龍首
諸法無過亦不有其處于想行之
者彼則有時不時之想耳明達菩薩
於本了無解空法者豈其有時不時
言哉凡諸餘法有時不時無時非時
乃應无上如佛法律矣其在算數計
時節者斯則有過時之想如諸世尊
賢聖弟子常自飽足以道智慧慈無想
識於想無想行无諸作亦無想念无
念不念以此智慧而常飽足世尊聖
眾都無食念亦不復想有食之事其
如此食而為食者是謂賢聖應無雜
食若永服食如此食者是則長演甘
露法食者彼以此食用之為力能住

身命至於一劫復過一劫所以者何
其如此者彼已覺了諸法之行故
都無想念解空清淨曉了如此是不
復有求食之識如其凡夫未達者也
又諸如來無上正覺及普世賢聖之
等有大慈悲喜護之心慈施仁愛愍
念眾生使興於世耳唯欲濟度五道
勤苦故現入郡國縣邑聚落行受分
衛而彼眾聖已離諸食不食於食唯
以慧解諸定正受為常充足其於雜
食而續食者斯受流轉便數生死用
是之故諸佛世尊以於諸食而悉明
了都無復雜食之想慷慨喟然安和
住身能如恒沙復過是數從始發意
永常無復諸飢渴雜想念也至在佛
樹明星出時從始所可受食者彼因
此食其於正士及大丈夫英雄龍猛
又至師子諸調儒夫及眾華等正士
秀異種種蓮華男子無上丈夫法御
天人師應所當得應所明了應所覺
達悉已了而具足等於一像合會智
慧得成無上正真道意也以是龍首
一切菩薩普諸如來及賢聖等唯以

此食外致無上正真覺道便能住壽
如恒沙劫又能踰此復倍無數而諸
如來永無其勞所以者何以其應於
无想食故無念不念无合不合亦不
想合賢聖之行恒便隨順出諸香氣
自然清淨無想无念無諸累宿亦无
戲行本空自淨如是龍首菩薩摩訶
薩當作此食乃應法食

龍首答曰善哉善哉濡首所說法之
微妙吾已飽足於是上食但聞此法
食之要說便為已甚具足矣况其長
食无雜食者豈當復食思欲食哉云
何龍首虛空之體寧當有雜食之食
又言飽足乎對曰濡首空無所有也
又曰龍首為能飽足幻士所化不答
曰不也云何龍首寧可以食飽足中
現像耶答曰不也又曰龍首夫大海
者寧復飽足於眾流乎答曰不也濡
首復曰如是龍首諸法無厭若如虛
空而仁向言有飽想乎諸法如空无
想無願无起無行亦无所作無所造
永然無欲以定以脫無色无像無堅
无固了如虛空都無所持諸法如此云

法華經疏卷第七

終

何而起有飽想耶龍首又曰若是濕首有此行者一切不復食於食乎而仁說食本空耶濕首曰若此龍首則一切衆生而無食也譬如龍首世尊化作恒邊沙人以食食諸化人云何族姓子彼諸化人以何為食寧復有食者不乎答曰化者無想不識无所亦有復無食何況言當有食者耶若此龍首一切諸法有見無見如幻化也普諸衆生而不解此以其不解便即流轉受生死矣於中觀之亦無所有亦無所得亦无流轉解生死无如本无者則一切無受亦无生死不曉本空便有生死其生死者亦無生死於其生死亦無所受亦无所得何生死法者乎答曰濕首斯言甚善宜知其時可共行矣還於祇樹給孤獨園吾諸飢渴永為已斷答曰龍首譬如幻士所可化人而化人言吾飢渴斯寧為飢渴馬法耶如是龍首一切若此其諸法者皆如野馬解此乃解而族姓子言吾飢渴以為斷乎當食斯食如諸法食不斷無壞亦无飢渴一

法華經疏卷第八

終

切諸法本已飽足以故彼諸凡夫下士不了其本則作此言吾飢我渴又言飽足如諸賢聖解諸法本彼無飢渴亦无想足解諸飢渴亦無生死亦無戲行亦无想念彼已無動亦无倚著諸法已脫本无著故

龍首又曰如仁濕首諸所可說彼之要言但說法界也濕首復謂龍首曰其法界者亦无說不說亦無言趣无屈無申所以者何如是龍首法界無所有言者無說亦无所說亦无戲行无所著無合偶彼无想念亦不有念亦無所起亦无滅行譬如龍首虛空之界無想无念無起无滅諸法亦亦同如虛空其本相空本不可得亦不可知其相如是亦不可得有能得其相彼諸如未般泥洹者亦當可得若此龍首一切諸法都無處所无色無像亦不可見以是之故恒邊沙諸如未般泥洹者其於法中亦復无般泥洹者亦無地水火風界而般泥洹亦無空界亦无識界般泥洹者泥洹如是於泥洹中亦无泥洹若諸法有泥

法華經疏卷第九

終

洹想者則虛空界有泥洹想耶所以者何以其諸法本定而空諸法靜寂而復寂於此凡夫下士之類起有泥洹想念者因便有吾言我有受有吾我受有壽命受有人物受有想識共來解真無法者即起是想想念泥洹以此故而不得脫便生老病死取要言之十二因緣至於大苦衆患集會為彼之故言有泥洹為諸有二想行者以其不解諸法本無已不曉了不覺悟故與諸如來諸佛世尊明解深入權行菩薩宿樹衆善立不退轉積累功德有大威神為極唱導無上大師與如是等菩薩摩訶薩行而違反起有諍想又與聲聞緣覺之衆與其相違而起念諍與彼諍故當受大罪以其諍故長流生死當歸不淨極處矣一切衆聖永所不歎諸上明達所可遠離譬如族姓子有城郭若復衆落去其不遠積衆是穢於其彼處人衆趣往晝夜不息遂增汙穢不淨是處不潔之物也諸愚凡夫處于五道起滅不竟衆想無斷廣其生死如彼

增見也以其不明又不曉了不解其元不達本無霧籠蔽盛癡實積故廣受流轉增長生死五道之趣或生地或即餓鬼復歸畜生或天或人神變無常五道勤苦灾患顛倒痛痒創楚衆惱之尤諸苦所由遂增見獄流不淨氣使彼明達賢聖之衆乃以為滅所共貪疾又諸慧士所可速離用是難垢長不解脫復使斯類是趣其生是歸有老生老苦極憂惱万端是致病死殃福追之善則榮樂罪則禍隨以要言之患變猛集至其痛熱衆苦合會而彼以故不脫生死但由未了其本無故長受生死如其增見也龍首復謂濡首曰云何濡首得了其本曰以无心想以寂冥行以起靜定向入清淨其住是者則曉其本曰云何濡首何謂為幻之寂冥曰其解了如幻者此則幻之寂冥清淨也

余時者年須菩提至濡首所觀其大衆即而問曰諸正士等普來會此為何講乎答曰賢者吾於諸言都无所說又賢者寧聞諸幻人有所說不山

中之響夢影野馬為有言談耶復聞有其說者不乎又賢者如來所化寧有耳聲其復有聞者不為有識若受持語言名字句說者不答曰不也時須菩提燿然於所坐憺懔之間寂而滅定

時舍利弗詣濡首所觀其普衆大會之場率多菩薩咸聽濡首所講之說見須菩提在于彼坐寂而滅定問濡首曰此賢者為何志故居斯便滅定曰舍利弗是須菩提離滅定不與法而有其諍如是賢者以无諍行無住無著无染無處過諸窟法而三摩越時須菩提作是滅定從定寤起而向世尊即偏袒右肩叉手跪作是言自歸諸佛無上覺者其有顯演如是深遠微妙法像難見之文不可議說已斷所著等離諸想已得寂安其不退轉大士等及諸初發意菩薩逮聞如此勸發之說豈不快哉濡首又謂須菩提曰不於此法有說有勸有彼所向也何則然者以諸法無勸无說無談无識又此要義無言无語無住

無動无去無來无坐無卧无倚無處亦无所所以者何是諸法本空无所有其本不可得故曰何謂濡首其本行法曰惟賢者諸法無行是行之要當作是行曉行是行乃為至行也若此可共都行求食曰濡首吾不復入於聚落分衛所以者何遠聞是要已離聚落亦離城想亦離色想以要言之亦離聲香味細滑法想都離諸想而無想念曰唯須菩提如此離其想行者所以云何而進止乎云何濡首何謂如來所化色痛想行識以何識法如來所現化化以何想而有進止有所瞻視復有屈申乎曰善哉善哉須菩提如世尊所歎仁為寂曉空閑行者

濡首又曰唯須菩提可共詣佛礼事供養濡首重曰唯賢者吾以清淨食而請於仁時舍利弗謂濡首曰於何所與吾等食為當施設何等之食曰唯賢者其所食者亦不有食亦不吞食又所吞食亦不色聲亦不香味亦不細滑其所食處不在欲界又不色

法華經疏卷下 第三十

界亦不無色不處三界亦不離其中是則諸佛世尊食處時舍利弗謂彌首曰善哉善哉如仁所說吾已飽足於時是無上食歎之名況其已食如此食者曰唯賢者其食不以肉內外眼見亦不天眼亦不慧眼處有眼見其食如此乃應等食也余時者年須菩提及舍利弗并諸衆生聞是數食之說即於其處寂而滅定時妙心謂彌首菩薩曰當以何食食須菩提舍利弗等為以何食而三摩越曰以無漏食行無倚著食行无衆食以此行而行其作此食者不復於三界食於食也

余時賢者須菩提舍利弗從滅定寤各行分衛時須菩提入大長者家分衛其長者婦為優婆夷見須菩提默然而住即請賢者為何之乎答曰婦來求分衛曰賢者仁續分衛想來止了耶曰婦吾從本際已了分衛想曰須菩提其本際寧有了未了言從本際已了分衛想乎曰婦如本際空未際亦空悉如本空優婆夷曰若此賢

法華經疏卷下 第三十

者已悉空者奚為復說了不了乎仁便伸手當施卿分衛須菩提即自伸手曰賢者是為羅漢不了其本反取滅證者手非須菩提曰婦羅漢手无形不可見亦無屈伸臂如幻士為幻化人作此言何所是幻者手乎復言可伸幻者手耶曰婦幻手為可見不又可伸乎答曰不也須菩提曰若此婦世尊說一切諸法如幻本空若是賢者世尊說一切空何為賢者續求食時優婆夷未尋與須菩提分衛重曰賢者可前鋒適當前鋒鋒忽然不現時優婆夷以手索鋒鋒而無處手亦不近於須菩提優婆夷曰善哉善哉此則無著清淨之身應佛所歎空閑行者優婆夷適作是言鋒即自出時須菩提便前授鋒優婆夷取鋒盛滿飯授須菩提便謂之言賢者是為釋迦文佛所稱歎處閑居第一者鋒非曰婦如佛所說空閑行者非有鋒矣曰如賢者空閑行者非有鋒耶曰婦無也曰又賢者閑居尚无鋒豈當復有受食緣乎曰賢者已記閑居亦當無

法華經疏卷下 第三十

羅漢取滅證耶又賢者食此飯已當了知食者如幻所食如化又如化人食於幻者亦當如以野馬飲於渴者其食所食當了如此明解是者乃應如來達三世本無分衛之行也若賢者其起施念有想受者便造有衆分數也已受數者則有二見以有二見便與凡夫流轉五道生死同歸也時優婆夷復謂須菩提又如賢者諸佛要法不但受食及與施者當應了如幻如化為本無為无有至於生死與泥洹法亦當曉了如夢幻化野馬影響亦如本無於諸法亦悉當余諸法清淨都无所有無施无受無戒无犯無忍无諍無進无懈無定无乱無慧无愚於一切法都無所有是行乃應世尊如法受食弟子行法其如此解分衛行者則於三界無雜食之想亦復不處泥洹之樂也須菩提聞優婆夷所說即惘惘不知所言曰賢者泥洹為寂耶豈無言而不對乎曰婦斯何言乃如此須菩提曰婦了幻法耶答曰賢者吾了諸法悉如幻化幻

者及化亦皆本無无所有時須菩提便於所處忽而滅定欲知優婆夷志求何事以為其證勇辯乃余敢師子吼明解幻法所說自恣而無罣碍盡大觀察處優婆夷為阿那含日婦已得阿那含乎優婆夷曰云何賢者如來法本寧有阿那含行法乎又賢者法無形色亦復无來想像之跡無彼此識无中間行亦無所想无取无證亦無處所乃為明了道之行耳向賢者云何處阿那含畢樂羅漢證法乎又賢者法無去來其有去來有所趣向有所趣有起有滅有念有想皆墮凡夫流轉未解數也是時優婆夷忽於所處於須菩提前化于高廣大久交露之座普現感動光明相像顯轉無上阿惟越致法輪令普舍衛境界之內及十方土莫不聞見此之所興感變也亦時空中万二千天聞彼所說悉遣一生補處舍衛國內志菩薩行者二万八千人承宿眾德皆得不退轉十方之眾諸來大士其間是說百億菩薩本得无所從生法忍復聞

是上要说即言遠一生補處於是濡首龍首菩薩并諸土普來之眾及舍利弗須菩提等俱從舍衛國南出城門燿然輕舉忽升虛空濡首菩薩尋揚身光威神煒燁照耀瞋瞋明影玃璣踰于日月普蔽餘光熾然晃昱乃徹窈冥如金翅二飛而行馬一切眾生莫不見者其所經由彼眾天人皆聞諸法如夢幻化野馬影響泡沫芭蕉之要言深遠像說各懷歡喜慈心相向一切天人但聞夢幻聲而化幻法於見無見亦不可得諸遠聞是像微妙說者合百千眾得不退轉時所經遊於其中間有長者子其名善意宿立德本亦聞濡首无上幻化之要說言并復親見神景變化即發無上正真道意尋自捨願吾於來世得為如來无上平等寂正覺道時所現感動亦當如是濡首見彼族姓子有决得妙岐嶷之妙欲紹佛種乃發大志心在菩薩口詠誓願聲暢一切如師子吼即請善意而告之曰族姓子汝解諸法如幻化者必離勞乘聲聞緣覺之

地也便當成致無上正真道意又當曰曉了諸法夢幻之妙法說悉為無所有時長者子跪而對曰蒙解說諸法如幻如化濡首重以諸法要言勸發長者子長者子忻樂之心遂而踊躍時彼大姓心巨曠解遠致法忍八千人發無上正真道意時五千天子在于虛空聞濡首勸進之說燿然心解遠得無從生法樂之忍咸悉肅然恭敬之至已礼濡首忽昇虛空各還本土是時濡首龍首菩薩舍利弗須菩提等還于祇樹給孤獨園俱詣世尊稽首佛足却坐一面龍首菩薩便從坐起向佛叉手已濡首童真諸所講談法要之說具啟世尊時佛讚曰善哉善哉濡首童真善說諸法无上微妙如夢如幻如化野馬影響之聲則是諸慧深奧之至是諸佛要斯乃應如無形无像本無幻說時佛顧告賢者阿難受是濡首諸法要文阿難敬前長跪白佛唯然世尊如教受之當何名此經云何奉持時佛重復敷演濡首妙心菩薩等所說慧要及舍衛國

清音菩薩經下卷 第十九張 11

長者優婆夷為須菩提所現感動乃至轉一生補處之輪佛復告阿難當受是上要之慧又是賢者此名濡首無上清淨分衛經亦名次了諸法如幻如化三昧懃念受持當廣宣傳普布演說又是阿難若善男子善女人等聞斯要專心信向是者阿難則應面見諸佛世尊又為濡首童真菩薩必所感致無上正真之道會成至佛況其受持誦習諷讀奉行應者德極無上是善男子善女人等為逮諸佛之慧藏為得諸佛最上要鎮又為諸佛之所擁護普為十方諸現在佛所授封蒞諸佛為手授其次當成無上正真道慧佛說是已濡首童真龍首妙心及諸菩薩舍利弗須菩提等及眾比丘一切會者諸天龍神阿須倫人與非人聞佛所說莫不歡喜前為佛作禮而退

佛說漚首菩薩無上清淨分衛經卷下

已亥歲高麗國大藏都監奉

勅彫造